

www.BibleForChildren.org

Madiu 26




Kaliyate
sikisi
simiyamiya na
mwalelikwa soina
sipaisowai
Yelusalema koina kabo
Yeisu Epileimi ilogabaen
yo ilau Bedani, Lasalo ana
yanuwa mena iya baguna
boita mena Yeisu
ikele-yatoloyoi.



Kabo
Meli olo yabo
esana nadi
tupwatupwana
maisana lalakina,
ikalaiyama yo isuwai
Yeisu kaekaena mena.
Kabo muli mena ipwalou
na itona mena Yeisu
kaekaena isauli. Na
olone bwalaina
namwanamwana numene
iloyapowoni.



Kabo Yudasa Isikaliota, iya yabo yoli tuwelone kolili,
ilau topwaoli lalakili kolili Yeisu sabi walo-masalanna.
Yudasa ana walo sibenalan yo
siyaliyaya na siwaloyameli
yakato maisana mane
siwolena. Mwa Yudasa
sauga namwanamwana
isanai na Yeisu
italamwan kolili
na sikabikalatan.



Kabo tobenaliyao sipaisowai
besiele ana walo kolili na kan
siginauli mwalelikwa soina
kaiwena. Saugana ali kekanne
koina, Yeisu beledi ikalai, ikawatoki
Yaubada koina kabo ikivi na iwolena
ana tobenaliyao kolili iwaloba,
"Wakalai wakan, bwaite iya yogu."



Tabe wain komwana ikalai,
ikawatoki Yaubada koina kabo
iwolena kolili iwaloba, "Meuloimiu
kwanuma. Bwaite kwasinegu iya
kamwasa waluwaluna. Kwasinegu
kani ididi kabo tomo sibaibaiwa
nuwatu-pwaiki silobai ali
pwanoli kolili."



Yeisu iwaloyoi iba, "Saimon, Saimon, Seitani
ilaomako Yaubada ana talam ikalai na tem
inukuimiu besiele topaisowa yabo tano witi kannu
inukui na tem iyakasali mosomosoliyao ikelegabaegili.
Na yau yakawanoiko Yaubada koina kaiwem tem tabu
am meli ibebeluu. Na sauga ilalaoma kani kunuwabui
koliyau, na kamkavao
ukwabi-yakaiweli."




Pita Yeisu kainana iyamaisa iba, "Guyau,
yatalamwagau mekaukava kowa talau nume pan mena
yo mekaukava kowa taboita." Yeisu iwalo koina iba,
"Pita, yawalo yawasosi koliwo, kansiga boniyai muliya
kabo kamkam tauna ivalam kani kuuvalayagau
meyaiyona, kani kuba,
'Tomone bwaite
nige yakakatai.'"




Kabo Yeisu me ana
tobenaliyao silau
dedei bwaine esana
Getesemani kabo iwalo
kolili iba, "Kwamiyamiya
bwaite koina na yau
yalau yakawanoi bwaine
koina." Iwaloba, "Tamagu.
Tamagu. Paisowa meuloina
sowasowam, nuwanuwagu
kamkamna kana komwa
koliyau ukele-gabaen. Na
tabu yau yagu nuwatu mena
na kowa am nuwatu mena
besiele kupaisowai."



Kabo sauganane koina boda yabo me ali odam yo
mayale yo tabe me ali gogo kaleyayao siyawatagilima.
Bodane kaloli mena siya tokaleyayao yo Nume
Tabu kana pilisiman tupwaliyao yo
tabe Yudasa Isikaliota, iya Yeisu
kana tokalomagigili. Na
Yudasa dedeinane kana
kamwasa iyakenayagili
kaiwena dedeinane ikatai yo
tabe sauga ibaibaiwa Yeisu
me ana tobenaliyao silaulau
dedeinane koina. Bodane
bwaite silaomaya topwaoli
lalakili yo Palisiyao siya
siyaele simiyamiya Yelusalema koina.



Yo tobenali yabo topwaoli lalakina ana topaisowa
tenana ulaulana ikoutusi. Na Yeisu iba, "Besi." Kabo
topaisowane tenana ikabitonan yo iwoisi.



Kabo sikabikalatan yo silawan siluseyan topwaoli
lalakina ana nume mena. Pita iyamuli-kusulili kana
mwayaga iyai. Yo saugana
mayau sipei
iwedowedoli numene
kana gana kalona mena
Pita imiyasio
mekanakavao.




Topwaoli lalakina ana
topaisowa yabo iya
totouna kabona
tenana Pita ikoutusi
iwalolau Pita koina
iba, "Kowa yagitaiwo
Yeisu mekamkava Olibe
dedeina koina, awa?"
Na Pita iuvalayoi, yo bwaine
sauganane koina kamkam tauna
ivalam. Kabo Pita numene kana
gana ilogabaen ikaisulu
iyawatagili bakubaku mena yo
me ana nuwanae ivalam.




Ali logogo imwawasi kabo Yudiya
tautaubalao meuloili sitolo yo Yeisu
silawan ali gavana Pailato koina, iya
Loma tomona Sisa ipei Yudiya
dedeina meuloina
iloiloinayan. Mwa
Pailato ineli koina iba,
"Gubesi, kowa Yudiya
ali kin o nigele?"


Yeisu kainana iyamaisa iba,
"O, besiele am walo."



Pailato nuwanuwana Yeisu ilivasi
kabo iedeedede yoi bodane kolili.
Na siyogayoga siba, "Kuyakelose.
Kuyakelose."




Kabo Pailato Yeisu italamwan kolili na
siyakelose. Mwa Loma tokaleyayao
Yeisu siyogan silawan. Tokaleyayaone
siloinayan ibomayoi kana kelose
ikewai yo iyawatagili ilau Yelusalema
kana gana dagelana mena dedeine
esana kulukulu tuwatuwana yanuwana,
kaina Ibeliu siwaloba Goligota.



Yo bwaine koina siyakelose.
Na tomo labui mekanakavao
siyakeloseli, yabo ulaulana
mena na yabo
gegebana
mena.



Kaleko tabatabana
bwaimwa siyatake Nume
Tabu kalona mena itaigali
isae yo ilobi dedei labui.
Kabo Yeisu iyoga kainana
lalakina mena iba, "Tamagu,
yaluyaluwagu yapei nimam
kalona mena." Saugana
iwalo besiele mwa
yawasina imwawasi.



Mwa lolau mena Yosepa, game
Alimadiya, ilaoma, iya tomo
esana lalakina yabo Yudiya
ali tolainao kaloli mena.
Isanasana Yaubada ana
kaba lolina kaiwena.

Me ana katepatu
ilusae Pailato manna
mena na Yeisu yona
ikawanoiyan.



Mwa Yosepa kaleko mayamayalena
igimwalai ikalaiyama kabo Yeisu
yona kelose mena iyaigabaen
yo kalekone koina isuma
mulu mena ipei salai
mena. Salaine sikeli
nonowaiyako besiele
dupa veku kalona
mena yo Yosepa

veku lalakina
iyatapipiliyama
salai gamwana
ikausi.



Yanuwa ilayan yoi
Satade siya Yudiya ali
sabati, kabo topwaoli
lalakili yo Palisi silau
Pailato koina.



Siwalolau koina siwaloba,
"Taubala, kanuwatu-kalatan
tomwakomwakota bwaite
esana Yeisu, saugana
meyawasina koina iba,
'Kaliyate yaiyona
imwawasi kabo
kani yatoloyoi.'"




"Kabo silau maina yabo sikalai
vekune sipan-kalatan, ali
kilakilala, mwa
tokaleyayao sipeili
salai mena
sigitekalatan
namwanamwai."



Yudiya ali sabati imwawasi kabo
wiki kana kaliyate bagubagunana
koina, malala kikiuna Meli
Magidala me ana waliesa
sisulubon silau salai sabi
gitaina. Mwanikiniki
lalakina inuku
kaiwena Yaubada
ana anelose yabo

ilobima bulibuli
mena ilau salai
mena vekune
iyatapipili-suwalan
yo imiyasio
pwatana mena.



Tokaleyayao siya salai
sigitegite-kalatan
simatausisosi mwa
sitabubu kabo sibeku
bwatano mena
sitalu-kanitu
besiele
boiboitali.



Anelosene iwalolau sinesineone
kolili iba, "Tabu kwamamatausi,
yakatai Yeisu kwaloyaloyai,
iya siyakelose. Iya nige
imiyamiya bwaite koina,
itoloyoiko, besiele
ana walo." Kwalaoma
ana kaba miya
wagitai bwaite

koina ikenokenoya.



Mwa sinesineone mwayamwayau
salai silogabaen, simatausi yo tabe
me ali yaliyaya, kabo sisagena
mwayamwayau silau na ana
tobenaliyao ali wasa siwolegili.



Silaulau kamwasa mena kabo
Yeisu ilobaili iwaloba,
"Kagutoki komiu." Silaoma
sitalupwaopwaom kaena
sikabikalatan kabo
sipwalou koina.





Muli mena ana tobenaliyao yoli ilebeni sikekakekan kabo Yeisu manli mena itolo-mayale. Iyokoiyagili ali kololo kaiwena iba, "Kaukavao, siya yagu toloyoi mulina mena sigitaiyau yo kolimiu siwalo-masala na tawae kaiwena ali walo nige kwamemeliyan?"

Guyau Yeisu ana walo iyemwawasi ana tobenaliyao kolili kabo Yaubada Yeisu ikalai ilawan bulibuli mena. Kabo Yeisu Yaubada ulaulana mena imiyasio.



Yaubada yanuwa yaulina imulolososi
koina kabo natuna kaigeda-sosisosimo
italamwan mwa tem yaiya imeli
koina nige sowasowana iboita
na yawasina miyamiya
yaina ilobai.



Loma 3:23 kaiwena tomo meuloili naenaena
koina silopwano mwa simiya-kelamamalawe
Yaubada ana wasawasa koina. Nige sowana
ana namwanamwa silobai.

Loma 6:23 Kaiwena mumugana naenaena maisala
iyeyama kolila boita yawasosi, na Yaubada ana
mulolo lalakisosina iyeyama bwaimwana yawasi
miyamiya yaina, kaiwena kita tamiyamiya Guyau
Yeisu Keliso koina.

Ibeliu 9:27 Takatai tomo meuloili kani siboita
silau salai mena. Yo sauga ana kaba mwawasi
koina kani mekaigedamo sitolo Yaubada manna
mena yatala kaiwena.



Epeso 2:8,9 Saugana kwanuwabui yo kwameli,
Yaubada ana katekamkamna koina bwaite ana
eyawa bwagabwagai, lebo kwalobai. Nige yakato
ami paisowa uwena koina lebone kwalobai, na
bwaite Yaubada ana eyawa bwagabwaga
koina lebo kwalobai.

Nige ami paisowa maisana, nigele.
Mwa nige sowana yabo igagasa.

Loma 10:9,10 Tem sopam mena kuba, "Yeisu iya
Guyau" yo tem katem mena kumeli yakato
Yaubada ikeleyatoloyoi boita mena kabo
kani lebo kulobai.



Kaiwena tameli katela mena yo ala meline
tawalo-masalan sopala mena. Bwaine kamwasane
koina Yaubada ikawa-namwanamwa-yagila
yo ileboila.

Yoni 3:16,17 Yaubada yanuwa yaulina imulolososi
koina kabo natuna kaigeda-sosisosimo italamwan
mwa tem yaiya imeli koina nige sowasowana
iboita na yawasina miyamiya yaina ilobai.
Yaubada natuna iyawasayama yanuwa yaulina
mena, nige tomo sabi yatalayanna na
iyawasayama sabi leboili.



1 Yoni 5:11-13 Yaubada ana walo-masala bwaite besiele. Yaubada yawasi miyamiya yaina iyeyamako kolila, na yawasine iyaele Natunane koina. Siya analiyao Yaubada Natuna sikalaiyako siya yawasi miyamiya yaina sikalaiyako. Na siya analiyao nige Natuna sikakalai, yawasinane tabe nige sikakalai. Leta bwaite yaleleyawane kolimiu kaiwena nuwanuwagu wakatai yawasosi yawasi miyamiya yaina iyaele wakalaiyako komiu analiyao Yaubada Natuna kwameliyanako.



Madiu 26-28; Luka 22-24; Joni 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Bwanabwana Bible (tte) © 2003, Wycliffe Bible
Translators, Inc. All rights reserved.

<https://live.bible.is/bible/TTEWBT/MAT/1>

©2026 Bible for Children, Inc.

www.M1914.org

www.bibleforchildren.org

